

BITARTEKOTASUNEN ESKAINTZA – FEM – 2023ko OTSAILA - 2021eko KONTRATAZIO-ZERRENDAK

Bitartekotasun batzuk eskainiko dira 2023ko otsailaren 22an, eta, horretarako, posta elektronikoa erabiliko da **2021eko kontratazio-zerrenda luzeetan** dauden eta **lanerako prest** dauden pertsonekin harremanetan jartzeko. Katetoria hauetan eskainiko dira lanpostuak:

Familiako FEM - LMAT
Larrialdietako FEM
Etxeko Ospitalizazioko FEM

Prozedura horrek Erabaki honi jarraitzen dio: *2021eko uztailaren 21eko Erabakia, Osakidetza-Euskal osasun zerbitzua Ente Publikoko Administrazio Kontseiluarena, Osakidetzan aldi baterako kontratazio-zerrendak egin eta kudeatzeko dena.*

Eskainitako izendapenak

Erantsitako formularioan zerrendatzen diren iraupen luzeak izendapenak eskaintzen dira (zerrenda luzeak).

Nori eskainiko zaion

Izendapen luzeen kontratazioko zerrendan zaudeten eta lanerako prest zaudeten pertsona guztiek nahi dituzuen izendapenak aukeratu ahal izango dituzue, eta hautaketa horretan eskainitako lanpostuak zein lehentasun-ordenaren arabera aukeratu dituzuen adierazi beharko duzue.

Era berean, 2021eko kontratazio-zerrendetan izena emateko eskaera egin duzuen baina oraindik zerrenda horietan sartuta ez zaudeten pertsoneri ere bidaliko zaie eskaintza hau. Bitartekotasunak esleitzeko ordena Osakidetzan aldi baterako kontratazio-zerrendak egin eta kudeatzeari buruzko Osakidetzako Administrazio Kontseiluaren 2021eko uztailaren 21eko Erabakiaren 20. artikuluan ezarritakoa da.

Eskaintza hau jaso arren, kontratazio-zerrenda laburretatik eratorritako izendapen bat baduzu eta izendapen horren iraupena sei hilabetekoa edo gehiagokoa bada (luzapenak barne), ez zaitugu lanerako prest gisa hartuko aurreko izendapen hori amaitu arte, eta, beraz, ezin izango dituzu eskainitako lanpostuak eskuratu. Izendapen horren iraupena zenbatzeko, eskabideak aurkezteko azken egunera arte hartuko da kontuan (hau da, 2023ko otsailaren 27ra arte).

Zuk aukeratutako izendapen bat esleitzen badizute eta ez baduzu onartzen, ezarri beharreko zigorra aplikatuko zaizu, 2021eko uztailaren 21eko Erabakiaren 41. artikuluan xedatutakoaren arabera.

Destino-aukeraketa

- Erantsitako formularioan, eskainitako izendapen guztiak daude jasota.
- Hautagai gisa izena emanda duzun zerbitzu-erakundeetan **bakarrik** aukeratu ahal izango dituzu destinoak.

- **Era berean, hautagai guztiek aukeratu ahal izango dituzte hizkuntza-eskakizuna duten eta derrigortasun-data iraungita duten lanpostuak, nahiz eta eskatutako hizkuntza-eskakizuna ez izan.** Kasu horietan, esleitzeko lehentasuna “Destinoa esleitzea” atalean ezarritakoa izango da.
- **Bete nahi dituzun destinoak soilik aukeratu behar dituzu (ezin izango diozu uko egin esleitutako destinoari).** Hautagaiak ez ditu nahitaez aukeratu behar izena emanda duen zerbitzu-erakundeko edo zerbitzu-erakundeetako destino guztiak, aurrerago azaltzen den ofiziozko esleipenari kalterik egin gabe.

Epea

Formularioa bete eta gero, helbide elektronikoa honetara bidali beharko duzu: 2021plc@osakidetza.eus. Mezu hori **2023ko otsailaren 27ren 14:00ak** baino lehen bidali beharko duzu.

Egun eta ordu horretatik aurrera ez da eskabiderik onartuko.

Kontuan izan formularioaren egituraren edozein aldaketa eginez gero eskaera **baliogabetu egingo** dela.

Destinoa esleitzea

Izendapenak zerrenda luzeen puntuazio-ordenaren arabera esleituko dira automatikoki. Dagokion zerrendan lanerako prest egonda ere deialdian ateratzen den lanpostua betetzeko eskabidea aurkezten ez duenari ez zaio zigorra ezarriko, jarraian arautzen den ofiziozko esleipenari kalterik egin gabe.

Izangaiak hautatu ez dituzten edo inori esleitu ez zaizkion izendapen-eskaintzak **ofizioz esleituko dira**, hauek kontuan izanda: zerrendako kideak hautatutako zerbitzu-erakundea, lanpostuen argitalpen-ordena, zerrendan duen lehentasun-ordena eta iraupen luzeko aldi baterako izendapenak hartzeko prest dagoen. Izangai batek ofiziozko esleipenari uko egiten badio eta ez badu justifikatzeko arrazoirik alegatzen, **2021eko uztailaren 21eko Erabakiaren 41.** artikuluan xedatutakoaren arabera dagokion zigorra ezarriko zaio.

Ofiziozko esleipenak lehenengo eskaintzatik hasiko dira, izendapenak argitaratu ziren ordenaren arabera; beraz, hutsik geratu den lehen izendapena ofizioz esleituko zaio zerbitzu-erakundeko izendapen luzeen zerrendan lanerako prest dagoen lehenengo izangaiari. Zerrenda hori agortuko balitz, barrutiko izendapen luzeen zerrendan lanerako prest dagoen lehen pertsonari esleituko litzaioke, eta horrela hurrenez hurren, izendapen guztiak esleitu arte.

Esleitutako destinoa ez onartzeak edo hari uko egiteak, justifikatzeko arrazoirik alegatzen ez bada, izendapen luzeen zerrendatik kanpo geratzea ekarriko du kontratazio-zerrendak egin eta kudeatzeari buruzko 2021eko uztailaren 21eko Erabakian adierazitako aldietarako.

Derrigortasun-data igarota duen euskara-eskakizuna daukan lanpostu bat aukeratu baduzu eskatutako hizkuntza-eskakizuna izan gabe, esleipenerako lehentasuna honako hau izango da:

1. – Eskatutako hizkuntza-eskakizuna (2. HE) duten pertsonak;

2. – Eskatutako hizkuntza-eskakizunaren aurrekoa (1. HE) duten pertsonak;
3. – Hizkuntza-eskakizunik egiaztatuta ez duten pertsonak.

Izangaiei posta elektronikoz jakinaraziko zaie esleitutako destinoa, eta dagokien zerbitzu-erakundeko Langileen Zuzendaritza haiekin jarriko da harremanetan lanean hasteko eguna ezartzeko.

Eskaintza honi ahalik eta zabalkunde handiena emateko langileen artean, posta elektronikoz bidaltzeaz gain, ohar bat argitaratuko da kontratazioko webgunean.

Vitoria-Gasteiz, 2023ko otsailaren 21a.